

山 夷

鐘 弋

鑠 册

山鍾鑪
夷弋卅

丙午夏五伊熙績署檢

二十世紀
中國商賈
第一偉人
曾公少卿
肖像

伊熙績



二十世紀中國商界第一偉人曾公少師象讚

芸一黃霄睡獅未醒一聲辟塵喚起國魂海外
同胞孰出水火公恩奮發是誠在哉警焉而解通
途景慨忘國保種有感遂通吾怨不覺在懷不報
豈曰困國西同易暴欲斷則必縷一血誠公死不死
千億化身身海外遠繼此議不更民氣大伸一龍旗
風飈颯颯立憲組織合羣大同文軌斯共推輪
斗南一人錫予多福刻石國祚飲食必祝五湖並綢
子漢香熏銘金皓象視此貞珉 光緒乙巳秋八月

東吳王士倫撰而午友五古庵謹識



序

勳聞新甫之栢當和煦而不彰歟冬之花閱冰霜而斯耀士君子處世何獨不然曾公少卿觀察其生平庸言庸行足爲人所稱述者何可勝道而世卒未知公即知之亦不多自抵制美約之議起而公名始著抵制之議緣起於上海商務總會諸公而發電各埠則公銜署首孝章要有天下大名元龍自非餘子所及自此電一傳而抵制之風潮遂激盪於三十五埠百人高會下車爭問伏滔衆客填門倒屣先迎王粲固已各無異議共表同情何意阻力橫生私心頓逞欲肆含沙之毒偏工閉戶之謀在他人方且以模稜爲護己之符援明哲作保身之計信陵君婦人醇酒此外何知范忠宣醫藥方書其他不顧公則坦然弗懼怡然自如壯士行何畏哉七尺軀肯爲奴隸男兒祇此死耳三升血拚灑風塵張悌不去軍中談笑自若郭璞自知死日趨避奚庸此留別天下同胞一書所以作也自是而後公名愈譟兒童走卒亦知君實官銜婦孺細人咸識彥方名姓甚至團扇畫放翁之貌買絲繡平原之眞蘇純不愧三輔大人蕭育洵是杜陵男子矣時各埠激於義憤每日抵約之函來投者百數十

計夫呂覽之寒暄筆札盡出門生桓溫之故舊書箋都由幕客而公則心無待索手不停揮陳元康數紙俄成劉賓客百函日答不過是焉今幸約可改良將收效果此固由各社會齊心諸君子協力然非公之提倡又烏能致此哉顧或謂此不過激于一時之公憤而非本於平日之素懷是又不然公聰強夙裕勇敢性成幼歲攻書壯年服賈生財由貨殖子貢猶是大賢計利妙權衡谷永依然儒者而且痼癘在抱愷惻爲心極力營伯氏之喪豈僅薛包讓產厚意卹故人之嗣宛如鄒鑒撫孤其尤難者捐貲四萬建立義莊

公嘗以曾氏瑞芝義莊全案見示法良意美粲然有條余曾爲補作序一篇

孝友任卹睦婣意沿周禮勞


來匡直輔翼教本司徒立法遵范氏之遺好善比于公之美馬文淵恥爲守虜散積何妨羊叔子德必及人捫心無媿其修善也如彼其辦事也如此公眞人傑哉今夫位居九列不如末世有稱家累千金何若文章遠播各埠抵約來函言言本志士俠腸字字由國民熱血可任其散佚乎公乃彙爲一集付諸手民俾誌不諼以紀斯會人心不死旣足弭寰海五大洲窺伺之謀團體結成亦無負 國家數百載甄陶之

德是爲序

光緒三十一年歲次乙巳冬月

高要何卓勳園樵撰於上海宜自愛軒





山鐘集編目

苛禁緣起

開會抵制

稟外務部及南北洋大臣公電

致二十一埠商會公電

上外務部書

上伍侍郎書

致本埠及各外埠函

各外埠來電

本埠及各外埠來函

覆各外埠電

會本埠及各外埠書

記滬埠商董在美領事署會議并與美使問答語

美使譯華工禁約說略

記滬埠商董公謙美國官商事

聲明未允展期廣告

致美領事書

與美領事晤商工約記

正告滬埠美商

實行不用美貨廣告

留別同胞書

書留別書後

生輓聯


古今體詩

附籌辦實業諸公書

此次抵制美約發起以來函電交馳全國響應六七月間來函尤富極欲悉登各報

而篇幅有限每憾遺珠厲書同志或來詰問此前此所以有彙刊來書以誌熱誠之約也雖外間已刊華工禁約初二編抵制禁約紀事等書無俟鄙人纂述而久要未踐未免歛然適蘇君夢盦自三吳來偶及是舉願任編輯爲之欣喜不置蓋喜蘇君爲今之熱心人以熱心人編熱心書熱得其人也並以國民合群嚮應神速顏是集曰山鐘遂檢案存函電以畀之曾鑄識






山鐘集

抵制禁約緣起

華工往美始於加罈尼省當美國合併該省之初經營路礦在在需人迺向中國招工初至彼處頗受歡迎蓋以華工價廉尤耐勞苦爲資本家所樂僱迨後美傭漸爲華工所奪繇是積不相能因妬成仇日甚一日美爲民主國工黨勢盛竟迭次立約致由極平等而馴至於極苛禁雖曰下等社會每不自愛咎亦難辭然於入境時監禁木屋裸體量身以初未犯法之人遽以罪囚相待他若護照之挑剔過關之苛詰審問之違法防疫之薰浴且由工人波及士商甚至使臣之叅隨各員並遭辱及是可忍孰不可忍昨歲又屆換約之期駐美梁星使上顧國體下憫同胞力爭改良迄未如願厲滬紳商亦以美虐華僑積憤莫釋相繼發起議籌抵制商董曾公少卿慨任領銜電達外商等部並通商各口岸內地各省會凡有血氣者莫不共表同情公復以吾國民向如散沙鮮知團結此次合群熱誠未可泯沒爰有彙刻同志函電之舉編輯既竟爲述抵制緣起如右至其禁例苛虐詳記華工禁約及抵制禁約等編

山鐘集 抵制禁約緣起

茲概從略云編者識



開會抵制

光緒三十一年四月初七日上海各幫商董因美禁華工事特開商務總會集議對付之策未刻到會者源源不絕迨座客已滿由曾君登壇演說激昂慷慨語語動人繼即提議抵制之法大旨謂以兩月爲期如美國不允將苛例刪改而強我續約則我華人當合全國誓不運銷美貨以爲抵制其陳說辦法甚爲中肯時在座紳商無一人不舉手贊成隨後公議電稿稟請外務部堅拒簽約並請南北洋大臣鼎力主持電部抗阻又遍電各省商會請爲傳諭各商協力舉行抵制辦法

初九日廣幫紳董大集同鄉於廣肇公所到者不下千人爲地所限得入者約居其半餘皆擠擁門外先由鄭君布告集議緣由並言欲合大群以實行抵制之法當先各去其私心次由凌君潛夫演說凌君現在李京堂處充當譯員曾寓美國十餘年就職海關者四年於美國虐待華旅情形習聞慣見今爲一一述其慘狀其言之親切哀痛聽衆有爲之下淚者繼言對付辦法一中國無論公私一概不用美人二華人之受雇於美者均即自行辭退三華人均相戒不用美國貨物其詞甚繁今不備

錄繼有安徽人方君守六爲茶磁公司副總辦去年赴聖路易賽會曾受美國種種留難即將其所身歷之境慷慨痛言其所陳對付辦法一請華官不發美人入內地護照一將華人近日籌議對付情形電告美國各報館請持公論一託駐滬美領事稟告本國政府至論最後之對付仍以全國不用美貨爲第一善法方君演說因言語不通由鄭君代爲傳述其餘相繼演說者尙有四人大致略同定議致電外務部駐美梁使岑督張太僕香港東華醫院廣東各大善堂並各埠

十一日建幫紳董就泉漳會館踵行集議到者幾無插足地尤見建幫同鄉感情之摯未刻曾君登壇演說除與商會所說大旨相同外復發明美定苛例實由美廷曲徇工人之請所以虐待華工者此中有難言之隱非出其上本心蓋工黨爲之也然工人所作端賴行銷一旦華商不買美貨則所出之貨定必滯消滯消卽有礙工作如此則所以害人者適以害己我華人轉有所不忍爲今之計先體 朝廷與美敦睦之誼後盡華商與美交易之情婉曲告知寓滬美商此次華商與美停交實出萬不得已請其電達政府挽回定例如其不聽二個月後一律不買美貨重言聲明抵

制各法說畢衆皆拍手贊成當即傳電通商二十一埠一律照辦

繇自海內外通商各埠內地城鄉僻壤凡商界學界女界工界聞風興起接踵開會
國民合群於斯爲烈尤難者戒用美貨萬衆一心電費會資不惜巨帑文明抵制照
耀環球爰檢各報所載地名會所編次月日於后

十三日上海人鏡學社

十八日上海商務總會第二次 滬學會 城內商學會

廿四日廣東廣濟醫院

廿八日蘇州士商假福音醫院提議

五月初一日廣東廣濟醫院

初二日湖州士商借潛園

初九日廣東廣濟醫院 福建閱書社

十五日營口三江會館

十六日天津商務總會 天津學界借闔津會館 南京學界借思益堂 杭州士